

iich waas ned

di junga maadla hoidsädooch
iich waas ned
niggs homm di merä oo
kan beehaa
kana schdrümbf
kan schdrumbfhaldä
ka niggs

main godd
woä däs früa schöö
do bisd scho foäheä
halbä närrisch woän

hoddsi än blaua undärogg oo
oddä än rosana
hoddsi äs laibla
middi moisdsee oo
oddä äs bäscheddiggda
hoddsi än beehaa oo
deä wu fonna aufgeed
oddä goä ned

hoddsi schwoädsa schdrümbf oo
oddä noodloosa
hoddsi an gnof im schdrumbfhaldä
oddä an bfennich

hoidsädooch is niggs merä los
ka weng schbannung
ka niggs
glai bisd oo oäd un schdell

